

Inatsisartut suleriaasianni § 37 imm. 1 naapertorlugu, Naalackersuisunut apeqqutit matumuuna allakkatigut saqqummiunneqarput.

Naalackersuisunut apeqqutit:

- 1. Naalackersuisut paasinnittariaasiat naapertorlugu, "Inuiaat Kalaallit", nunap inuiisa "Kalaallit Nunaanni nunap inoqqaavisa" kinguaavinit, allaanerussuteqarpat? Tassannga assigiinngissuteqarnersut, Naalackersuisut piviusuusumik toqqaannartumillu aallaavilimmik, oqaatsit pisariaqanngitsut allamullu saasaarisut atornagit, uani akissuteqaqquneqarput.**

(Inatsisartunut ilaasortaq Pele Broberg, Naleraq)

Tungavilersuut:

Nunat tamalaat akornanni inatsisit inuiannut tunngasut pillugit, Nunatsinnut nunallu tamalaat akornanni kingunerluuteqangaatsiarsinnaasunik Naalackersuisut apeqquusernangaatsiartunik nassuaariaaseqarmata (§ 37 nr. 179 apeqqutip akissutaa), apeqquteqaat ingerlateqqinneqarpoq.

Apeqqut ataasiinnaavoq (1). Sakkortunerpaamik Naalackersuisut Naalackersuisoqarfillu eqqaasissavakka, suliassat suliarineqartarnerannut piffissaritinneqartut arlaannaatigut piaaraluni, mianersuaalliorluni, allatigulluunniit kinguarsarniarneqartussaangimmata.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.